



Simmun 10:  
September  
5, 2026

# CHRISTIAN NATOH KICHIEH TAH

"Hoi malam jouse ah nehchintuo'n ka um un, ahinla  
kisudong in kaum po uve;  
delmang in ka un un, ahivang in dalhah in kaum po  
uve;  
ei kivolhu uvin, ahivang in suhsiet hiel in ka umpo uve.

Ka valena chan uva kati uva Jesu thina chu kapole  
jing ui."

(2 Corinth 4:8-10)



**Pastor hinkho hi nop tah ahi ko'n ati'm? Gospel thupha samle ho chung a mopuohna lien tah akingai in, anatoh uva hin kisuhmuolphouna thei jong tampi um ahi.**

**Lhagao mang ding puohnatna nei a, chule gospel kisaan tasa ho machalna dia lungsiet thiem tah a vetkol hi lhacha natong dihtah le ngeihaang kihetkhenna chu ahi.**

**Houbung mite'n lhacha natong ho atosot thei uva, chondan kikhelna aneithe tieng u leh, hichun kilungkhatna apiendoh sah a, lungmuon le kipa thanop ahin lhut ji ahi.**



## **PASTOR PA NATOH**



**Lhacha natong phatah ho**



**Lhacha nato h kipalna theiho**



## **HOUBUNG MITE MOPUOHNA**



**Kihouchamna palai**



**Athieng hi dia kikou**



## **PANKHOMNA GAPHA**



**Lungmuon le kipa thanop**



**PASTOR PA      NATOH**

# LHACHA NATONG PHATAH HO

"Nang ho hi keiho ding a lekhatot, ka lunggil uva kisun a, mitin in asim a ahet nahi uve" (2 Corinth 3:2)

Phaat kikhel jong leh thil kimkhat akimoh khel thei poi. Kum jabi 1 lai bang chun seiphatna lekha'n khat din akot ahonpih thei nalai e. Corinth mite saanthei ahina dia Paul seiphatna lekha ngaicha hin tem? (2 Corinth 3:1)

Seiphatna lekha apha thei pen chu anei e: Hichu Corinth mite tah chu ahi (2 Cor. 3:2). Solchahpu le atohkhompi ho thupha lhangsap jal chun lungsung Pathien a kuon kikhelna anei ta uve (2 Cor. 3:3).

Paul le akithopi lhacha ho chu "*kitepna thah lhacha kinbol*" phatah ahi uve (2 Cor. 3:6). Kitepna loupi tah, Lhagaovin mitin lungsung a asut, tuonsot hinna pe chu ahi.

Hinla kitepna dang jui jong aum ui; natcho vang a suong a kisun Dan bulhit ding gel ho chu, amaho chun lungsietna loupi vah chu amudoh theilouvu ahi tai (2 Cor. 3:7-9).



# LHACHA NATOH KIPALNA THEIHO

**"Lungsietna ahapunbe cheh a mihon Pathien loupina athangvahbe chehna diuva ijakai aboncha nang ho jal a ahisoh kei e." (2 Corinth 4:15)**

Paul in hahsatna le kpalna thei tampi um ahethiem in, athuoh galkai e. Hiche natos hahsa hi thuoh lung lom tah in agel e. Huhhingna chan sah tei ding ati mite angailut vang a hichan hung galkai ahi (2 Cor. 4:15). Pathien panpina achan tei ding jong atahsan e (2 Cor. 4:7-9):

## Keiho...

- ▶ Ei nehchintuo uve
- ▶ Lungdong in
- ▶ No jam in
- ▶ Ei kijep uve

## Hinla...

- ▶ Ei kisungem po uve
- ▶ Lunglha lou
- ▶ Donlouva umlou
- ▶ Suhmang hidieh lou

Tahsa phelele mihiem kamcheng a gospel sapphuong ahi hi Pathien loupina bou kiphuonna ding joh ahi.

Bolgimna *"jaangkhai cha phaath chomkhat kathuohna u hi"* thokitna nikho tieng ichan ding u *"tuonsot a ding loupina"* chu toh tekah tiem in (2 Cor. 4:14-18)!



**HOUBUNG MITE  
MOPUOHNA**

# KIHOUCHAMNA PALAI

“Christa jal a keiho le ama kihouchamna boldoh a, chule hiche kihouchamna ding a lhacha kin eibolsah uva, Pathien a hung kuon jieng ahi.” (2 Corinth 5:18)

Houbung le mimal lhagao hinkho kaithou ding chu hiche hi ahi: “*Christa ngailutna chun kacham louva eisol u ahi*” (2 Corinth 5:14 ). Hiche ngailutna chu itobang ham, iti chamlouva eisol u hintem?

Christa’n angailutna vang hin ahinna ape tai. Hichun ichamlouva eisol ahi (2 Corinth 5:14-15).

Christa’n thilsiem thah eiso ta uve. Hichun hinkho lui toh ichamlouva ei kikhen sah ahi tai (2 Cor. 5:17)

Christa’n Pathien toh ei kihoucham sa ta uve. Hichun ichamlouva kihouchamna palai eiso u ahi (2 Cor. 5:18-20).

Christa ngailutna chun hinkho kikheldelna lampi ei puilut uve. Angailutna hinkho nei chun midang ahomson thei in, kinepna thupha kisaan din ape thei e: “Pathien toh kichamna” (2 Cor. 5:20).



# ATHIENG HI DIA KIKOU



Athieng hi dia kouna hin solchah le houbung mite hinkho alamdand sah e:

Ahahsa jouse apal galkai sah jou e (2 Cor. 6:4-5)

Lhagao ga tampi asuo doh pih e (2 Cor. 6:6)

Adih le kitahna aum thei e (2 Cor. 6:7)

Itih lai in jong adingdet sah thei e  
(2 Cor. 6:8-10)

Midang kom lung ahonsah thei e (2 Cor. 6:11-13)

Tahsanlou te chondan dihlou toh akikhen kaang sah thei e (2 Cor. 6:14-15)

“Ngaitahte, thutep hicheng hi inei jiehn un tahsa le Lhagao subuoh thei jouse a kuon in kisuthieng u hitin, Pathien ging a thien chamkim suoh a hin ding ngaito u hite.” (2 Corinth 7:1)

Thulhun Lui a thienna thudol kisei tampi akaikhom in Paul in athieng hi din kouna abol kit e (2 Cor. 6:16-18):

## Kouna

- Chonsiet mun a kuon potdoh loi in
- Chonsiet bolho kikhenkaangpi’n
- Athienglou tongkha hih in

## Aga

- Nakom a kachen ding ahi
- Na Pathien kahi ding ahi
- Ka mite nahi ding u ahi
- Kasaan ding u nahi
- Na Pa u kahi ding ahi



**PANKHOMNA GAPHA**

# LUNG MUON LE KIPA THANOP

"Nahieng uva ngamtah a kasei ahin, kisuonpi tah a jong kanei nahi uve. Kalung ol l'heh jieng in, kathuoh gentheina jouse a jong avumval in ka kipah l'heh jieng e." (2 Corinthians 7:4)

Hahsat gentheina tampi tuoh jong leh Paul akipah thanuom l'heh e (2 Cor. 7:4). Iti dan hin tem?

Paul in Corinth mite lekhatot khaotah athot in, hichun amaimuol sah ta uve (2 Cor. 7:8). Hinla, hichun chonsiet kishina asuodoh pih ta uve (2 Cor. 7:9-10). Hiti chun Paul toh akah u ahin, amaho khat le khat kah jieng jong siemthah in aum thei tai. (2 Cor. 7:11-12).



Abon diuvin lungnopna asuoh tai. Paul lhonpi Titus jong alhamuong l'heh tai (2 Cor. 7:7). Titus hung vailhun chu Paul din lhamuonna tah ahi (2 Cor. 7:6). Corinth mite jong alhamuong ta uve, hichu Paul din lhamuon kibena ahung hikrit tai (2 Cor. 7:13).

Hichu Paul din kiseiphatna'n apang poi. Pastor le houbung mite kipah thanuom a alenkhom thei u leh hichu "*kineosah te Pathien in alhamuon ji*" jal ahibouve" (2 Cor. 7:6a).

**“Lhacha natos hi midang jenle a panna natos ahi, hiche natos tong din ibon un kou ihi uve. Chang kipa le thanopna thei bouva hinkho man hi Pathien jabollouna hinkho ahi. Ka sopite ho, kum tin hin asang asang in lhagao mangthah aum jing in, ahinkho lampi uva thudih seipih ding aneilou jieh un achonsietna uva alhumlut un, thina lampi achemang ji ta uve ti nahet louvu ham?”**

**Vannuoi a hin natos thupi tah bol ding inei ui. Mite ho lung kikhelsah ngai a ahi, thusei thep jieh ham, thil kidang bol jieh ham hilouvin, thingpel a kikhethbeh Christa thupha lhangsap jal joh a kikhelna anei ding u ahi. Ibol a ngongkai jing nalai ihi uvem?**

**EGW (Reflecting Christ, August 30)**